

Rahsia Politik Pelantikan Najib Tun Razak

MASSA 10-16-1-2004



Perdana Menteri Abdullah Ahmad Badawi ketika mengumumkan rombakan Kabinet di Putrajaya pada 7 Januari lalu. Gambar kecil Najib Tun Razak.

Oleh AMREE AHMAD dan AZMAN IBRAHIM

SUASANA di kediaman rasmi Perdana Menteri, Datuk Seri Abdullah Ahmad Badawi di Putrajaya pada malam 6 Januari lalu amat menyamankan. Pada malam itu, satu majlis jamuan perpisahan diadakan khas bagi meraikan bekas Perdana Menteri, Tun Dr. Mahathir Mohamad dan isteri, Tun Dr. Siti Hasmah Mohd. Ali.

Dr. Mahathir meninggalkan pentas politik negara dengan nama yang harum. Beliau umpama bunga ros dalam politik Malaysia, sentiasa disayangi, tidak akan dilupai. Dan Abdullah yang begitu terhutang budi kepada Dr. Mahathir mengetuai barisan menteri Kabinet memberi penghormatan kepada lelaki berusia 78 tahun itu yang baru beberapa minggu lalu dipanggilnya Bapa Pemodenan Malaysia.

Menteri-menteri yang hadir tidak menampilkan sebarang reaksi luar biasa. Na-

mun, bagi yang memerhati keadaan di sekitar majlis itu secara teliti mereka pasti menyedari bahawa Abdullah kelihatan begitu asyik melayani panggilan menerusi telefon bimbitnya. Malah, menurut seorang wartawan akhbar, tiga kali Abdullah terpaksa keluar dari ruang dewan jamuan untuk menjawab panggilan telefon.

Ada rahsia besar cuba disembunyikan oleh Abdullah pada malam itu.

Sebelum itu pada sebelah petang, sudah bertiup khabar angin di Malaysia: Menteri Pertahanan, Datuk Seri Najib Tun Razak dilantik sebagai Timbalan Perdana Menteri. Bagaimanapun, tiada pengumuman rasmi dibuat. Jika ada pengumuman, pasti menteri-menteri yang berada di Seri Perdana pada malam itu memberi ulasan atau mengucapkan tahniah kepada Najib.

Mereka melayan Najib sebagai Najib Tun Razak yang mereka kenal sebelum 6 Januari 2004.

Wartawan-wartawan yang hadir pada

majlis itu semacam terpaku. Mereka telah mendengar tentang desas-desus tersebut tetapi tidak pula bertanya kepada Abdullah. Ketika itu agensi-agensi berita antarabangsa sudah pun mengirim berita: Najib Tun Razak dilantik sebagai Timbalan Perdana Menteri Malaysia. Seorang pembaca berita wanita stesen televisyen TV3 cuma membaca berita itu secara ringkas, hanya satu ayat tanpa sebarang ulasan, dan tidak banyak orang menyedarinya.

Wartawan-wartawan kemudian bergegas pula menunggu di depan pintu pagar kediaman Najib di Taman Duta di Kuala Lumpur; menanti Naib Presiden UMNO itu pulang dari Putrajaya sekitar pukul 1.00 pagi.

Malangnya, jawapan Najib tampak samar meskipun ada riak ceria pada wajahnya. Ditanya adakah beliau akan berpindah ke Putrajaya, sambil berjenaka Najib menjawab: "Saya selalu melawat Putrajaya."

Ketika media tempatan mengambil